



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Nicolao Tuscylano Episcopo apostolicæ sedis Legato.

urn:nbn:de:hbz:466:1-20020

sulto Romano Pontifice ipsius recipiatis cum responso mandatum qui omnia consuevit æquo libramine moderari; cùm hoc ipsum in prædicta forma contineatur expressum, quod vos pro Ecclesia contra violatores securitatis & pacis deberitis mandatis apostolicis inhærere. Datum Laterani 11. Kal. Novemb. pontificatus nostri anno sextodecimo.

NICOLAO TVSCVLANO
Episcopo apostolice sedis Legato.

Epist. 111.
De absolucione
Regis Angl.

CVm de carissimo in Christo filio nostro Iohanne illustri Anglorum Rege ac ejus regno, quod ad Romanam Ecclesiam ex ejus dono jure pertinet speciali, oporteat nos curam & sollicitudinem gerere diligentem, fraternitati tuae per apostolica scripta mandamus quatenus, postquam relaxatum fuerit interdictum, venerabilibus fratribus nostris Stephano Cantuariensi Archiepiscopo S. R. E. Cardinali & coepiscopis ejus ex parte nostra distictè præcipias quatenus omnes litteras, tam priores quam posteriores, impletatas à nobis contra eundem Regem si formam pacis non duceret admittendam, illasque præsertim quæ sic incipiunt, *Expectantes haec tenus expectuvimus*, per regnum Franciæ, Angliam, Scotiam, & Hiberniam ad Archiepiscopos & Episcopos, necnon Leodiensem & Traiectensem Pontifices destinandas, tibi sine diminutione aliqua repræsentent, easque protinus facias minutatim incidi vel igne comburi, ne contra eum ipsarum occasione quicquam sibi valeat attentari; ipsos ad hoc, si necesse fuerit, distictione qua convenient compellendo. Datum Laterani 11. Kal. Novemb. pontificatus nostri anno sextodecimo.

E I D E M.

Epist. 114.
De eadem re.

FRaternitati tuae præsentium auctoritate mandamus quatenus postquam interdictum Anglia fuerit relaxatum, omnes coniunctiones & factiones, si quæ occasione discordia inter regnum & sacerdotium factæ sunt, denuntias auctoritate nostra irritas & inanes, cùm causa cessante cessare debeat & effectus. Datum Laterani 11. Kal. Novemb. pontificatus nostri anno sextodecimo.



ARCHIEPISCOPO ET
Episcopis & nobilibus viris Baronibus, Milibus, necnon & universis populis per Angliam & Walliam constitutis.

CVm per ipsius gratiam qui discordantes parietes in feangulari lapide copulavit, vera pax & plena concordia sit inter regnum & sacerdotium in Anglia reformata, nos, qui tenemur curam & sollicitudinem gerere specialem de carissimo in Christo nostro Iohanne illustri Anglorum ac ejus regno, quod ad Romanam Ecclesiam per donum ipsius speciali jure noscitur pertinere, sibi & heredibus suis providere volentes, per apostolica vobis scripta mandamus atque præcipimus quatenus in fidilitate ipsius Regis ac heredum suorum prompto animo & corde sincero perseverare curetis, tales vos circa devotionem ipsius per omnia exhibentes quod tam à nobis quam ipso debeatis meritò commendari; scientes pro certo quod nos ad ipsius commodum & honorem efficaciter aspiramus. Datum Laterani v. Kal. Novemb., pontificatus nostri anno sextodecimo.

In eundem modum scriptum est Archiepiscopis, Episcopis, & Abbatibus, & ceteris Ecclesiastis Prælatis & nobilibus viris Principibus, Comitiis, Baronibus, & universis Milibus, & populis per Hiberniam constitutis.

In eundem modum Willermo illustri Regi Scotie, & nobili viro Alexandro filio ejus.

ROBERTO TITVLI SANCTI
Stephani in Cœlio monte Presbytero
Cardinali apostolice sedis Legato.

CVm per ipsius gratiam &c. ut supra usque mandamus quatenus nobis in consułtis in cismarinam terram ipsius non proferas aliquo modo sententiam interdicti. Datum Laterani v. Kal. Novemb. pontificatus nostri anno sextodecimo.

NICOLAO TVSCVLANO
Episcopo apostolice sedis Legato.

OLIM venerabilibus fratribus nostris Stephano Cantuariensi Archiepiscopo S. R. E. Cardinali, Willermo Londonensi, Eustachio Eliensi, Ægidio Herefordensi, & Huberto Lincolnensi Episcopis apostolicis dedimus litteris in mandatis quatenus concessiones, pactiones, sive promissiones quas Clerici seu religiosi viri cuiuscunq; professionis vel ordinis Iohanni Regi Angliæ super ablatis vel extortis post interdictum fecerunt quod minùs ipsa restituantur ad plenum denuntiarent irritas &

Epist. 115.
Super codem.

Epist. 116.
Super codem.

Epist. 117.
Super codem.